



Tir Yimyim

www.tiryimyim.in

Regd. No. RNI. NAGAAO/2004/13113. Postal-NE/RN-717.

e-mail: tiryimyim@gmail.com

TAPAK 7

Yangia anidakangma :



Tir Yimyim



tir_yimyim



tir yimyim

TAPAK 8



Trump-i aijaka Israel-i ano Lebanon amak

VOL. XXIII ISSUE NO. 245 (ADOK 245) DIMAPUR YANGTEPNÜ (THURSDAY) AAMI (JUNE) 18, 2026

₹ 5.00



Real Madrid-i transfer taah magütsüi Silva anisemogo

DoH&FW-i tobacco/nicotine noktanga jangjashitsür

Dimapur, June 17, 2026 (TYO): Directorate of Health and Family-i tanü Nagaland nung tobacco aser nicotine aliba tachitsütem noktanga osang jangjashitsüogo.

Iba tenokdangba ya küm ka, June 2, 2026 nungi tenzüker June 1, 2027 tashi alitsü aser

tobacco mesüra nicotine aliba food products ajak adener ta Directorate of H&FW-i sangdong ka nung metetdaksü.

Iba tenokdangba ya Food Safety ketdangsürtemi pei pei telongtet nung District Administration aser Police den amalitepa inyaksü ta Directorate-isa ashi.

Akhoya nungeri Shinü mongmong ka chiok

Dimapur, June 17, 2026 (Agencies): Akhoya yimtsüng nung Shinü mongmong (slow loris) ka ngua apuba sülen yimdaklirtemi Bodbarnü arem nung oa chiokogo.

Iba mapa ya Mokokchung Forest Division nungi ketdangsürtem lia inyak. Akhoya ya 4-village Community Conservation Area (CCA) cluster nung adener. Iba dang Azüng Lu

ta ajar aser iba nung Changtongya Old, Nukshiyim o Unger yimtsüngtem densema lir.

Shinü mongmong ya kanga bulua manguba aser tesamalen tia nung aliba shiruru ka lir aser iba jagi yimdaklirtemi arem nung chioktsü lemtet ta osang angazüker.

Shinü mongmong (slow loris) ya International Union for Conservation of Nature (IUCN) Red List nung züngoka lir.

ANCSU-i June 19 nü 'Black Friday' amungtsü



Kohima, June 17, 2026 (TYO): All Nagaland College Students' Union (ANCSU)-i June 19 nü state ajungalen "Black Friday" lungkak aitba sentong agitsü metetdaksüogo.

Kohima Science College (Autonomous), Jotsoma nung 100-bedded Girls' Hostel mapa metenzükba anema parnok iiba sentong ayonga agitsü.

"ANCSU-i state sorkar nem anogo 20 züngzüksüba tembangogo aser tezüluba kecha mali" ta Assistant General Secretary Imnawabang Longkumer-i ashi.

Bangdak department nungi hostel atema senotsü agütsüba tanga nung mamshitsü aser hostel yangluba nung dang amshitsü ta ANCSU nem osang sangoktsüogo ta Imnawabang-i ashi.

"Iba ya kaketshirtem atema takok ka lir aser department-isa onok dang mapa inyaksü renema lir saka Chief Minister nungi tezüluba ka nung directive & approval atar ta shiogo. Department-i onok dang nüngdakba approval angutsü atema hopta ka meshilok saka Chief Minister's Office nungi tezüluba ka maliba ajanga maparen meinyakteter" ta Imnawabang-isa shisem.

Department renema lir saka approval angu mangu. Onoki tashishitsü melii mapa

inyakdaksünür aser tezüluba ka aginür. Iba asoshi lungkak aitba sayua state ajungalen affiliated colleges nung June 19 nü "Black Friday" amungtsü ta paisa ashi.

"Wako tanaktem ajanga kaketshirtem temetentem aser anepalutsü senzuka yutsüba sayur. Nüngdakba approval mengura onoki ano shilem tanabuba tenzüksü aser iba nung state ajungalen student movement tuluba adentsü" ta Imnawabang-isa metetdaksü.

"Iba tebilemtsü ya hostel building yanglutsüba dak alia lir aser Nagaland nung kaketshirtem tarutsü aser shisaliok akhümket den sendaka lir" ta ANCSU General Secretary Sotilo Tep-ia ashi.

"Iba 100-bedded Girls' Hostel ya ki ka indang dang masü. Iba ya kaketshirtem tarutsü aser Nagaland nung shisaliok akhümket indang lir. Kodang shisaliok menudir, mangdangtem menudaksür. Kodang tetsürtem senzuka yutsüdir, loktiliba tashimait akümer" ta paisa ashi.

Sorkari kaketshirtem asoshi tebilemtsü khuret bona meinyak tashi ANCSU-i campaign maneni inyaksü ta Tep-isa ashi.

Hokolbarnü affiliated colleges ajak nung wako tanak asongtsü aser taruba anogotem ken o mebantetra yimdong nung lungkak aitsüsa akümtsü ta paisa metetdaksüogo.

Governor Yadav-i kaketshirtem dang tajungtiba akümtsü ayongzüker



Kohima, June 17, 2026 (TYO): Nagaland nung lanur takokertemi tajungtiba akümtsü merangang ta Nagaland Governor Nand Kishore Yadav-i ayongzükogo.

Lok Bhavan, Kohima nung HSLC aser HSSLC Examinations 2026 nung toppers, rank holders aser achievers nem tenüngsang agütsüba sentong nung Governor Yadav-i "iba sentong ya sempet agütsüsa atema dang masü saka Nagaland nung lanurtem academic excellence benjungtsü atema lir" ta ashi.

"Governor's Award for Meritorious Students ajanga meranga azüngba, tashi angaba, aremzükba aser bendanga agütsüba asoshi tetushi agütsür. Kasa mapang iba ajanga kaketshirtem temaba jenjangi atutsü ajungmesor" ta pai ashi.

"Nenoki akangkanga noktakba, tasü aitba aser tajungtiba akümtsü merangba atema tetushi agütsür aser item ya nenok tarutsü takoktem asoshi

tamendakdak asütsü" ta Governor Yadav-isa shisem.

Paisa tsüraburtem, tesayurtem aser shisaliok rejutemi kaketshirtem takok ngudaktsütsüsa shilem tulu agiba atema tenüngsang agütsü.

"Nenoki maneni mangdang tulu yuang, meranga züngang aser tajung inyaksü atema nenok sempettem amshiangma" ta Governor Yadav-isa sempet angurtem dang ashi.

Iba sentong nung HSLC aser Arts, Science o Commerce streams nungi HSSLC toppers, subject toppers aser Governor's Awards angur kaketshir 63 nem senpet den kulikakettem agütsü.

"2026 küm HSLC examination nung kaketshir 22,765 liasü aser parnok rongnungi 16,400-i takok angu. Külen, HSSLC examination nung kaketshir 15,468 nungi 13,290-i takok angu" ta School Education and SCERT Advisor, Dr Kekhrielhoulie Yhome-i ashi.

"Ajisüaka, Class 10 tatidang

agütsürtem aser Class 12 tashi azüngertem rongnung ong dang tulu ka lir, kechiyong kaketshir 7,000 shi mali. Linük nung highest school dropout rates ajuruba state tem rongnung Nagaland densema lir aser asenoki iba tayongzükba koktettsüla" ta pai ashi.

Sentong nung Joint Secretary to the Government of Nagaland, Fürhesie Nyuwi-i pa taküm otsü tatsüka lemsatepa liasü.

Pa meta talang pilar aliba yimtsüng ka nungi lir aser arishi küm 23 asü dang Nagaland Civil Service nung züngsem ta Nyuwi-i ashi. Paisa kaketshirtem dang lokti mesüra rongsenketzüng tetsükdaksütem ajanga pei tejangrabatem sota mayutsü ajungshi.

"Asenok kong nungi aru, kong azüng mesüra maongkatem manguba ajanga takok menguteter ta masü. Meranga inyakba aser asenok mokokmein alema mangdang ayuba ajanga takok angur" ta Nyuwi-isa ashi.

Census 2027 ya development planning atema kanga tongtipang

Kohima, June 17, 2026 (TYO): Census 2027 ajanga wadang ajak nung development planning nung tongti shilem agitsü aser iba maparen nung public-i amalitepa yariteptsü ayongzüker ta Census Operations, Nagaland Director Kenei Miachieo-i ashi.

Iba census ya Census Act, 1948 kübok inyaker aser iba ya India sorkar aser state sorkartem amalitepa inyaker ta Kohima Press Club office nung Miachieo-i osangbener dang ashi.

State jenjang nung Chief Secretary lenisüba kübok Census Coordination Committee ka tentetogo aser iba nung Home Commissioner-i Nagaland atema State Nodal Officer inyaker.

Census 2027 mezüngbuba shilem dang House Listing Operation (HLO) ta ajar aser ibaji Nagaland nung July 1 nungi 30, 2026 tashi inyaksü. Tanabuba shilem nung demographic information bendentsü aser ibaji February 2027 nung inyaksü ta Miachieo-isa ashi.

Census 2027 ya kanga dang tongtipang mapa ka lir aser iba

ya India nung 16 buba Census asütsü aser Independence sülen tibuba lir. Tan census nung fully digital census system asütsü ta paisa ashi.

Sensotemi online census portal ka ajanga self-enumeration sütettsü aser enumerators-i mobile applications amshia data bendentsü. Iba dak alia working maps aser house listing block maps yanglutsü atema geo-referenced satellite imagery amshitsü aser Census Management and Monitoring System ka ajanga state aser central levels nung mita reprangtsü ta Director Miachieo-isa metetdaksü.

Nagaland nung 2001 Census data nung meputep aliba ajanga ashishitep ken o adoka aliba atema asüngdang "digital tools, satellite-based mapping aser verification indang inyakyim balala ajanga data quality tajungba akümtsü" ta Miachieo-i langzü.

Census nung duplicate entries, talisa nisungtemi pei tasoyim aser parnok alidak urban areas anaprong nung

züngoknüba indang asüngdang "iba asoshi public awareness kanga tongtipang lir" ta Miachieo-i langzü.

Census Act, 1948 nung osang tiyazü agütsüba atema temerenshi lateta lir aser ketdangsürtemia osang tai agütsüba atema tasüngdangba lir ta paisa metetdaksü.

"Nagaland nung districts 17, sub-divisions 118, statutory towns 39, census towns 5 aser villages 1,606 lir aser Census 2027 ya tesem ajak nung agitsü" ta Additional Deputy Commissioner, Commissioner's Office, Kelevituo Nisa-i ashi.

Census 2027 atema personnel 6,461 mapa lemezüksüogo aser parnok rongnung Principal Census Officers, District Census Officers, Charge Officers, Master Trainers, Field Trainers, Supervisors aser Enumerators dena lir ta Nisa-i ashi.

Iba telok nung Principal Census Officers 17, Master Trainers 157, Field Trainers 130, Field Trainers 1,016 aser Enumerators 5,118 dena lir ta paisa ashi.

IDAN-i Alliance Francaise du Bengale den senden amen



Chümoukedima nung June 16, 2026 nü senden ka amendang tangokba noksa ka nung Advisor, IPR & Soil & Water Conservation, Daochier I. Imchen aser IDAN Chairman Abu Metha den French delegation, sorkar ketdangsür aser private stakeholders tem angur.

Dimapur, Aami/June 17 (TYO): Director, Alliance Francaise du Bengale, Marc Boudin-i anir French nung züngsem pongui akuma delegation kati June 12-17, 2026 anogotem Nagaland semdang aser iba mapang Culinary, Culture & Traditions; Tourism & Hospitality, Sports & Preventive Medicine, French Language and Professional Development, International Media and Promotion, Corporate and Institutional Partnerships amala onüktem jembishinüa senden balala mena liasü.

France nungi arurtem nungya Linda Myriam Bortoletto, traveller and explorer; Olivier Karim Thienot, Founder of l'École du vin de France; Damien Laurent Marie Monnot, Chief Medical Officer, Olympique de Marseille; aser Moitrayee Dhar, Cultural Manager, Alliance Francaise du Bengale nungertem liasü.

June 16 nü French

delegation aser sorkar ketdangsür aser tapet private stakeholders den Roundtable Meeting ka Abu Metha, Chairman IDAN lenisüba nung mena teka amteper inyaksü, nisung o nisung tsüngta tesendaktep tashi itshitsü indang ayongzuka liasü.

Senden nung Advisor, IPR & Soil & Water Conservation, Daochier I. Imchen aden aser pai local culture ajungketa rongsenketzüng aruba lenmang kumdaktsütsü nüngdakba indang ashi. Pai IPR ajanga cine fest, film festivals, animation aser gaming ama sentong balala ayongzükba indang jembi aser French delegation dang lungjemer inyaksü jaoka liasü.

Marc Boudin, Director, Alliance Francaise du Bengale ajanga Naga nung den mesüktepa lemsatep aser Nagaland ya 'region of culture' lir ta ashi. Parnoki tang semdangba ya France nung

sobaliba ajungkettsü atema kisüng masü saka Naga aser French culture sendaktepa partnerships aser exchanges ajanga France nung Nagaland ajungkettsü asoshi lir ta ashi.

Iba senden nung Theja Meru, Chairman, TaFMA; Kvulo Lorin, Chairman NIDC; Rajeev Ranjan, CEO, Niathu Group of Hotels, and senior officials from Art & Culture, IPR, Tourism, Horticulture, Youth Resources & Sports, Industries & Commerce, Nagaland Olympic Association, Nagaland Tourism Association, WENN, Heritage Beverages of Nagaland, The White Owl nungertem dena liasü.

Industry Partner for French Delegation Visit, Niathu Group of Hotels (NGH) den külemi Culinary Appreciations & Food Pairing Knowledge; Football Enthusiasts Panel Discussion aser Football Corner, Ruby Café 24x7 nung semzükba densema maparen balala inyak.

Dimapur nung June 19 nü Mega Job Fair ayongzüktsü

Dimapur, Aami/June 17 (TYO): Nagaland nung zünger mapa mangu aliba lanurtem nem mapa agütsütsü maongka bener arutsütsü nükjidong nung Department of Employment, Skill Development and Entrepreneurship, Government of Nagaland kübok District Employment Exchange (DEE), Dimapur ajanga June 19, 2026 nü District Employment Exchange, Purana Bazar, Dimapur nung Mega Job Fair ka ayongzüktsü.

Iba job fair ya anepdang 9:00 ako nungi nikongdang 3:00 ako tashi alitsü, koba Talent Acquaintance, Dimapur, ANMA Integrated Development Association (AIDA), aser Don Bosco Job Placement Network India den lungjemer ayongzüktsü. State

tesem ajanga nungi zünger mapa mangu aliba lanurtem nem private sector nung mapa agütsüba nung yaritsü meranga iba sentong ya ayongzükter.

Iba recruitment drive nungya multinational healthcare Business Process Outsourcing (BPO) company ka nungi temsüa aliba candidates tem yangiisa 'offer letters' agütsütsü.

Class 10+2, diploma courses mesüra graduate sür aliba candidates temi apply sütettsü. Ajisüaka BE/B.Tech graduates tem recruitment process atema metemsü. Applicants ya arishi küm 18 aser 32 tsüngta alirtem asütsüla.

Shimtetba candidates tem Bangalore nung posting yoktsü, kong customer den yimya tajung agi jembishinüba, metokmeperi tajungba nung

bentetba, customer temlung südaktsüba aser clients den tesendaktep tajung yangerba mapa inyaksü.

Shimtetba candidates nem two-way free cab facilities, hopta shia Honibar aser Deobar mapa nungi anisüngzük agiba, family health insurance angati agütsüba, incentives, rotational shifts, ita trok sülen pei inyakba nung ajemdaker promotions agütsüba, night shift allowances amala teyari agütsütsü.

Mezüng ita indang itasen asoshi train fare meyipa agütsütsü aser anogo tenet hotel nung anisüngzüktsü maongka agütsütsü.

Jangra aliba candidates temi official job far sangdong nung agüja aliba QR code scan süa mesüra 8837015013 ajanga osang tali tejangjaba metettsü.

East Dimapur Town Council ajanga metetdaksür

Dimapur, Aami/June 17 (TYO): Companies, firms, agencies, service providers aser kija shirnokisa East Dimapur Town Council jurisdiction nung telecommunication towers, cable wires, optical fiber networks, internet connections, communication infrastructure, mesüra tanga private telecom dak sendakba inoka ali, parnoki East Dimapur Town Council Office nungi temelaba meshitsüla, ta EDTC sangdong

ka ajanga metetdaksü. Concerned parties ajanga dang iba sangdong adokba anogo nungi June 30, 2026 tashinung East Dimapur Town Council indang office bushia arua nüngdakba temelaba meshitsü metetdaksür, ta ashi. East Dimapur Town Council jurisdiction telungzük nung telecommunication aser sendaka aliba ki o jen tajungba nung jangjatepa ketdangsütsü aser azütkotsü atema iba mera ya agir, ta sangdong ajangasa ashi.

About Us kentener teloki "You and I" ken sayatsü

PRESS RELEASE

ABOUT US

NEW SINGLE

YOU AND I

FROM THE UPCOMING THIRD STUDIO ALBUM

RELEASING ON 21 JUNE 2026

- ABOUT US, a Hard Rock band, announces the release of its new single "YOU AND I" on 21 JUNE 2026. The music video will introduce the band's new vocalist NZANTHUNG KITHAN.
- The song is about LIES AND DECEIT we face in our life, be it love, friendship and with humans.
- The band is working on to release 2/3 MUSIC VIDEOS more this year before the release of the 3rd album.
- The 3rd album is set to release somewhere in FEB/MARCH 2027. The band is currently in the studio recording it.
- The band would like also to thank the fans for helping the music video RIGHT NOW reach more than 1 MILLION VIEWS.

REAL MUSIC. REAL STORIES. REAL US.

0872 989 55 26 | aboutusnagaland@gmail.com

Dimapur, Aami/June 17 (TYO): Rock ken atenba telok, About Us-i June 21, 2026 nü "You and I" ken sayatsü lir, koba par teloki studio album tasembuba sayatsü yongyaseta aliba nungi mezüngbuba ken alitsü. Iba music video nungya par band indang vocalist tasenba, Nzanthung Kithan adoktsü.

"You and I" ken yagi külakoktsüba, temlung lema aliba raksaba aser temlung shirangba indang ashir, kobai tesendaktep balala indang sayur. Iba kensep sayatsü lia parnoki

ano music videos ana nungi asem sayatsü renema aliba nungi shilem ka ama iba ken ya sayatsü.

Tang production nung aliba About Us indang studio album tasembuba ya February/March 2027 nung sayatsü. Recording sessions tenzükogogo aser parnoki nangzuka aliba ama tajungtiba nung iba kensep sayatsü asoshi kanga meranga inyaktar.

About Us indang music video "Right Now" ya tawa alizüng tuluka tongteta one million views alema liasü.

DC Niuland ajanga Nasha Mukh Bharat Abhiyaan tenzüktsüoggo

Dimapur, Aami/June 17 (TYO): Deputy Commissioner, Niuland, T.L. Kiusumong Tikhiri June 17, 2026 nü virtual yimya nung DC's Office Complex, Niuland nung Nasha Mukh Bharat Abhiyaan (NMBA) tenzükja liasü.


Tikhiri-iba sentong nung adener den jembidang, temesepba mozü amshiba ajanga lokti indang health aser tarutsü tia raksatsür ta ashi aser tsürabor, tesayur, kaketshir aser nüburtemi temesepba chiyongtsü nungi jenbua aliba lokti yangerba nung kasa khuret süa inyaksü ayongzuka liasü.

Iba district campaign nungya awareness talks, pledge events, student competitions, outreach programmes, aser social media drives alitsü. Nasha Mukh Bharat Abhiyaan ya Ministry of Social Justice & Empowerment, Government of India ajanga tenzükba sentong ka lir.

Iba sentong nung T.Y. Peter Yanthan, DPO, NeisiezoTheunuo, EAC Niuland, DHEW staff aser District Administration staff tem dena liasü. Teyari asoshi National Helpline 14446 mesüra District Hospital, Niuland den tongteprateptsü akok.



June 16 & 17 anogo ana Mokokchung DC Office Conference Hall nung videography, video editing aser social media marketing indang workshop ka agiba mapang tangokba noksa nung angur. Iba sentong ya DHEW kübok SANKALP DHEW aser District Administration, Mokokchung nadi digital tsütsü shisatsü balala angazükdaktsütsü aser tajungba kumdaktsütsü nükjidong yur ayongzuka liasü. Mokokchung, 17th June, 2026



June 17, 2026 nü France kübok Evian nung G7 senden alidang Ato kilonser, Narendra Modi aser Canada Ato kilonser, Mark Carney na jurila senden ka amenba sülen tangokba noksa nung angur. Kasa noksa nung External Affairs Minister, S Jaishankar-a angur.

Linük nung tsük züsentetba shilem 71 renlokogo: Shivraj Chouhan

Patna, Aami/June 17 (Agencies): Bodhbarnü Union Agriculture & Farmers' Welfare Minister, Shivraj Singh Chouhan-i, tesüiba küm 12 tsüngda linük nung tsük züsentetba shilem 71 renlokogo, ta metetdaksü.

Bihar yimtiba, Patna nung osangbenertem den jembidang Chouhan-i, Ato kilonser Narendra Modi lenisüba nung linük nung aluyimba dak sendakba inyakyim aser asalentong tasen aika benokogo, aser ibaji ajanga aluyimertem tajangzük angur aser tsük züsentetbaa teimba akümer, ta metetdaksü.

"Tesüiba küm 12 tsüngda linük nung tsük züsentetba shilem 71 renlokogo. Sorkari nüburtet taginüba ataloktsütsü atema rangloker meranga inyaker. Modi yimsüsüba küm 12 ya India yanglushiba aser nüburtet taginüba ataloktsüba dak sendakba mapang ka liasü," Union minister-isa metetdaksü.

Modi sorkar yimyim 'Sabka Saath, Sabka Vikas' ajanga

yimdaklirtem, sensakertem, aluyimertem, tetsürtem aser lanurtem taküm jenjang melenshitsuögo, ta pai ashi.

"Jan Dhan accounts nungi tenzüka Ayushman Bharat, aser PM Awas Yojana nungi tenzüka Digital India revolution ajanga asen Ato kilonseri terenlok aser nüburtet atema inyakba tsütsü otsü tasen ka yangluögo," ta Chouhan-i ashi.

Paisa, taküm July 1 nungi tenzüka linük tesem ajaklen Viksit Bharat - Guarantee for Rozgar aser Ajeevika Mission (Gramin) VB-G RAM G mapa küma benoktsü, ta ashi.

Paisa, MGNREGA kübok senotsü tagütsütsü aliba ajak June 30 tashi nungbo agütsütsü, ta metetdaksü.

Anepdang Union minister-i senden ka ayongzüka Bihar nung aluyimba aser yimtsüngtem nung terenlok mapatem asadanga liasü. Iba senden nungji Chief Minister Samrat Choudhary den department balala nungi tongti ketdangsertem liasü.

Tesülen Chief Minister's

Office sangdong ka ajanga, "Aluyimertem income teimba kümtütsü, yimtsüngtem nung infrastructure terenlok aser sorkar welfare schemes tekeraba nung inyaksü atema telemtetba aika agiögo. Centre sorkar teyari agüja MGNREGA kübok senotsü tagütsütsü aliba ajak June 30 matongdang agütsütsü," ta metetdaksü.

Senden nungji Chief Minister-i Central sorkar livelihood programme kübok state nung Lakhpati Didi mapatong benoka inyakba metetdaksü.

"Tang linük nung Jeevika Didis aser Lakhpati Didis kümdaktsüba tsütsü Bihar ya temaba jenjang nung lir, aser iba alizüng ya ano tajungba akümtsü atema state sorkari maneni inyaksü," ta CMO sangdong nung shia lir.

Centre nung Modi-i aniba sorkar küm 12 ajungba nüngtem nung Bodhbarnep yakta Patna nung yimti merüktetba sentong ka nung Union Minister-i shilem agia liasü.

Tanü Jharkhand nung Rajya Sabha menden ana atema election agitsü

New Delhi, June 17 (Agencies): Brihostibarnü Jharkhand nung Rajya Sabha menden ana atema election agitsü; anepdang 9:00 ako nungi nikongdang 4:00 ako tashi Assembly premises nung election agitsü.

Iba election nung tokteper candidate asemji Jharkhand Mukti Morcha nungi Baidyanath Ram, Congress nungi Pranav Jha aser BJP-i pusemba Independent candidate Parimal Nathwani nung lir, ta ketdangsertem metetdaksü.

Returning Officer ji Jharkhand assembly nung secretary Ranjit Kumar lir.

Osangbenertem den jembidang Kumar-i, "Kodang polling tembangdir iba report ji Election Commission of India nem agütsütsü. Commission nungi temelaba anguba nung ajemdaker nikongdang 5:00 ako nungi vote azüngtsü," ta metetdaksü.

Tang Jharkhand assembly nung opposition INDIA teloktep nungi züngsem 56 lir. JMM nungi 34, Congress nungi 16, RJD nungi pezü aser

CPI(ML) Liberation nungi ana lir, anungji JMM nungi candidate, Baidyanath Ram-i takok angutsüa akok.

National Democratic Alliance nungi menden 24 lir (BJP nungi 24 aser LJP (Ram Vilas), AJSU Party aser JD(U) nungi kaka). NDA-i Nathwani pusemer.

Party balalai tetuyuba anema vote agütsütsüa akok, ta bilema Mongolbarnü NDA-ibo par MLA tem ajak Ranchi nung aliba hotel kati anir ögo.

Ano külen, Mongolbarnü Chief Minister Hemant Soren'er kidang INDIA teloktepi MLA tasenpurtem atema training agütsür ama 'mock poll' agiögo.

Congress MLA Suresh Baitha-i, "Onok INDIA teloktep nung MLA 56 prongla longjema dang lir aser onoki Rajya Sabha menden anaprong nung takok angutsü," ta metetdaksü.

JMM nungi Shibu Soren süadokba ajanga Rajya Sabha nung menden ka tazüng aküm aser BJP züngsem kümsük Deepak Prakash kümsük June 21 nü abensaba ajanga menden ka azüngteter.



June 17, 2026 nü Patna nung CSBC Bihar Prohibition Constable tatidang agütsütsüpurtem sepaitemi mita reprangba noksa nung angur.

School curriculum nung Centre nem shilem magidaktsütsü: V D Satheesan



New Delhi, June 17 (Agencies): Kerala chief minister, V D Satheesan-i, school curriculum yanglutsü atema state tem dak tashi lir, anungji iba nungji Centre nem tiyongtsüi aita shilem magidaktsütsü, ta metetdaksü.

Cabinet senden ka ayongzüka shisaliok dak sendakba onüktem nung o lemtepa sülen osangbenertem

den jembidang Satheesan-i, school curriculum dak sendakba telemtetba agitsü asoshi state tem dak tashi lir, aser school tem nung shisaliok dak sendakba tashiji Kerala-i wazüka ayutsü, ta metetdaksü.

"School curriculum atema state dak tashi lir, anungji iba nung ya Centre sorkar nem tiyongtsüi aita meinyakdaksütsü," ta pai metetdaksü.

Shisaliok dak sendakba mapatong balala, curriculum aser school shisaliok atema state tem dak tashi aliba dak sendakba nung state aika aser Union sorkar tsüngda o entepba mapang ka nung Kerala nung cabinet senden mena iba dak sendakba telemtetba kar agiögo.

GOVERNMENT OF NAGALAND

DIRECTORATE OF HEALTH & FAMILY WELFARE NAGALAND:: KOHIMA.

No.DHFW-5/D.Pharm/Part-III/2026/

Dated, Kohima th June 2026

Advertisement

As per Government Approval Vide Order No.HFW(A)-9/18/21/102/Dated, Kohima the 15th June'2026. Applications are invited from the local candidates to undergo Diploma in Pharmacy course for the academic session 2026 at RIPSAT, Agartala. **The last date for submission of application form 29th June 2026.** Short listing criteria and other details are as follows:

1. 5 (Five) Nos. of Seats available.
2. Applicant should have cleared HSSLC (10+2) in Science Stream with minimum 45% in case of SC/ST candidates (English as one of the subjects and Physics, Chemistry & Mathematics (PCM), Physics, Chemistry, Biology (PCB) or any other qualifications approved by the Pharmacy Council of India.
3. All relevant documents: HSLC & HSSLC Admit card, Mark sheet, Certificates, SC/ST Certificates, Indigenous Certificate, one recent Passport size photo, should be enclosed along with the application with complete address and contact no.
4. The maximum age limit is 25 years as on **1st June 2026.**
5. Application Form can be downloaded from the Department website: nagahealth.nagaland.gov.in
6. Last date of submission of Application forms will be on **29th June 2026.** Duly filled in application in hard copy along with requisite supporting documents should be submitted in Room No.210 (Training Section) along with Rs.200/- as processing fee.
7. Selection will be done based on Academic Merit Marks.

SD/- DR. MERENINLA SENLEM
Principal Director,
Directorate of Health & Family Welfare,
Nagaland: Kohima.



TIR YIMYIM YIMOBILEM (EDITRIAL)

DIMAPUR THURSDAY, JUNE (AAMI) 18, 2026

Nagland ajaklen ILP

Nagland nung Naga nunger masüba nübo Nagaland süngküm adena aitsü asoshi temelaba, Inner Line Permit (ILP) nungdakba mapa ya alemli British nunger mapang 1873 küm nungi amshia aru. Atangji, iba mapangbo Nagaland ta tenüng jatetabo mali asü, anungji Naga tenem ta dang amshia aru aser kodang 1963 küm India telungjem kübok Naga nungertema state balaka ser alitsü asoshi Nagaland state aküm, iba mapangjia Nagaland nung lisopur Naga nungertem tangar takar aser tashitemeter bendangertem nem mamoksepdahtsüsü asoshi kasa ILP ozüng amshitsü latetshia ayuba agi, tanü tashi bendangerbo temelaba melii Nagaland-i arutsü memelar. Ajisüaka, asenok tamakok kaji Nagaland-sa süaka Dimapur kübok aliba tesemtem nungbo ILP ozüng ya mamshii bendanger taruner ajak sademsadema arutsüsa lapoka toktsü. Iba mapangjibo Dimapur ya Kohima district kübok division ka dang liasü aser meilongi district aküm aser ano tangbo Dimapur distric kübok liasüba tesem ana, Chümoukedima aser Niuland na district balala küma razüka ogo. Aji oda, ILP agi mamsemba tesem asünungji, tangbo Dimapur-bo Naga lima memesük bendangertem, talisa tzümar lima ama kümdaktsüogo. Iba ama mapang ka, menur süaka tang danga Dimapur, Chümoukedima aser Niuland district ajunga nung ILP amshitsü asoshi state government-i latetsüba pusema High court-i dena Nagaland ajaklen ILP alitsübaji pusema obendang agütsübaji Nagaland soshir asütsü. Atangji, Nagaland state ngur külena küm 63 tashi ILP mamshii taruner ajak arudakja sademsadema lidakja aruba tesem asünungji, Dimapur nungbo nütsüng yongsüka tzümar teimba asütsü südi aser dokan tulu tila kibur noklang shilem nung 99 bo tzümartem meyong asütsü. Kasaji, ali kimonga tzümartem meyong aika kümogo. Kasaji, Chümoukedima aser Niuland district nunga mapa inyakerbo tzümartem dang angutsü. Aji oda, asenok tesem ka nung külemi dang lia arur asünungji, joko asenok aika tzümartem den kibalempuetepe aoba agi parnok aika Naga nunger tenüng agi melener asenok dang nungibo parnokang takaba, temetetba aser asen tetsü oshia parnokiang tajungba jembiteta lokti aser yimten nunga Naga nunger kümer shilem agiba asenoki angur. Ashiko, joko itemjibo asen nisung kümadokerji asenoki mesentoktetsü südi. Ajisüaka, tang nungi danga asenoki Dimapur, Chümoukedima aser Niuland nungi tenzüker oagi Longwa aser Noklak tashiji oagi ILP ya shitak amshitet nungbo, asenoki bushia oa maridokyonga, ozüngji dang ozüng amertemi shitak benshitetra, Nagaland nung tangar bendanger arua asenok amokseptsüsa malitsü. Atangji, Dimapur nung tang ajungbena amaika ILP mita oa nisungtem pua aridoktsübaji mapa temela masü, saka kechisüdirsüaka Dimapur nung ILP ozüng ya mapa küma amshitettsüla. Iba ozüngji junga amshitettsü atema ILP malirtem asoshi ILP meshitsü asoshi ano mapang ka atakzüka yutsütsüla aser train station aser tayimtsü anendak bendanger tarur temang ILP mitdak tesem ka alitsüla. Atangji, Railway station nung balaka, train ka nung nisung meyririjang junga arutsü akok, item ajakji ayongayponga mapang magii ILP mitba electronic inyakyim alitsü tim. Aji oda, Dimapur, Chümoukedima aser Niuland nung ILP abenertem nem dokan memendaktsütsüla, autorickshaw aser taxi gari manidaktsütsüla, kechiyong parnokji talli aruba masü saka anogo ishika atema arua amongertem dang lir. Ashiko, iba jagi Dimapur nung nütsünga ajemtsü akok aser Dimapur nung shishia alirtem to agi Nagaland adenli süngküm anasa Assam nungang kiojen yanglua shishilemba tenzütsüa akok. Ajisüaka, asen lima nung bendangertemi dang shishilembaba mapa ajak amokbanger parnok tayoker aser asenok talir ta ser dang aliba dang nungibo, asenok ishika dang süaka asen lima nung asen rongsen madak asen kibur ser alibasa tajungba. Atangji, Dimapur nungbo Marwari, Bengali aser Punjabi nunger aika lisopur kümer lir, parnokji Nagaland state makümdang nungi par tetsü tebou nungertem Dimapur nung arua alirtem lir. Itemjibo ILP menüngdaker, anungji item jagi Nagaland terenlok asoshi bendanga yaritsüla, kechiyong Dimapur, Chümoukedima aser Niuland ajak ya asenok külem meyong lir.

OLEMSABANG

NABONG TAREMTSÜ MAPANG NUNG RARATEPA TONGTEPER

~ L. Kika Pongener.


Otsüla-oboula nungeri shin o jembia aruba; "Nabong taremtsü mapang nung raratepa tongteper". Otsüla-oboula nungeri shin o jembiba ya odangbo jembiba masü; saka kanga takzü-takponga arur, ataloka ajangshiba agi jembia aru; aser parnok takzü-takponga jembiba amaji shitak atalok. Aji oda, Nabong kodang parnok kanga tongtepa raratepdir; iba sulenji wara tesashi ka arua remoka asür ta takzüa aru. Otsüla-oboula nungeri iba shin o ya; nisung'er libaliru atema tongtipang sua jembiba shin o lir. Nisung'er libaliru nunga pei kin o kin, yimer o yimer, kidong o kidong, adianu o adianu, tsüngda kanga meputepi tsükchitepa raratepra; iba sulenji nutsüng-nubu aremtsüsa timtem kar arur; mesura tangar memenupi jenjang tamajung akümtsüsa tensa tia kar arur ta takzüa aru. Terasatsü-ka, tanü asen Aor yimden, arogo, mungdang aser loktiliba tia reprangdangra; teimba ka tema nungpo longjema lir amai; saka telung nungpo opang mapu aika lir. Kidong ka tsüngda nunga onok-ang shitakba, parnokbo maden ta...Ken o bulutepba ibala mesukba aika angur. Kechi linuk sudir suang; kechi kin sudir suang...Kodang alima telungi alutsü aser tangar memenuptsü tensa mapang ka tongdir...Nubur tsüngda nung tuluba shisangtepba, kati ka küpok melitetba aser meputeptsübaji shi den chiyungtsü jangrar amai kanga jangratsü.

Nagaland State ngur mezüng asen Aor Chief Minister sur sorkar anir aru; ano iba sulena anaben-asemben tashi asen Aor Chief Minister sur yimsü sua aru. Tanübo asen Aor tangar kin sulen tanidaker kümogo. Tang sorkar nung Chief Minister-i anir, Deputy Chief Minister ana, aser Cabinet Minister tuko (9) lir; item rongnungji jungjunga reprangdangra...Asen Aor tazünglen masü tom nung aser talak-len kar dena lir. Aji oda, Chief Minister masüyonga, Deputy Chief Minister ana rongnungji, asen Aor kabo asütsüba sernung...ta sasa-a bilemer...Saka tanü asen Aor iba jenjangji kümogo. Tatishitsü ka...Tang ya sorkar nung temelenshi ka ataloker...!!! Sorkar tasen ka yanglu nunga; iba sorkar nungji asen Aor Chief Minister atatsü asü matatsü? Mesura taruba General Election nungji tanga Party kati anir sorkar aküm nungpo; asen Aor Chief minister atatsüsa lennir karbo lir mali? ta khen reprangdangdi. Tangar kintemi Aor-ji 'Samanir' kin ta sanga jembir...Saka asenok 'Samanir' asüba iba mapang-to talangka suiadokogo. Kechiba tanü Aor iba jenjangi alutsüsa aküm (?) Ashiko, asen Aor asen o asen na tsüngda meputepba agi iba tia yagi aitsüsa aküm sudi. Tangar kinbo kati ka nungita yariteper; saka asen Aor-bo kati ka jenjang junga aliba atsüzüktsü meranger; ibajagi tanü asen Aor 'Political Field' nung kanga-sa tesuleni talangka oa-dokogo. Aser ano mapang tatsükabo tangar kin sulen anidaktsü amai nukla nung angur.

(Maneni asüng adok nung...)

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

Baptist World Alliance-i Egypt, Lebanon aser Syria semdang



Baptist World Alliance nungi teshimtet telok kati Egypt nung Pope Tawadros II ajurua senden amenba sülen tangokba noksa nung angur.

June 17, 2026: Tawa Baptist World Alliance nungi teshimtet telok kati Egypt, Lebanon aser Syria linüktem semdanga Khristantem telongjem atema jembiba den külemi Yisu Khristai alima nung ministry inyakba sülen küm 2,000 ajungbamong amongtsü atema jembi.

Baptist Word Alliance nung General Secretary aser CEO Elijah M. Brown, European Baptist Federation Tir Charlie Costa aser Jordanian Baptist Church Tir aser Baptist World Alliance Ambassador, Nabih Abbasi nung leniba nung telok kati linük asemji semdang.

Christian Daily International den jembidang Costa-i, "Onoki Lebanon aser Syria aliba nüburttem jenjang sadangogo," ta metetdaksü.

Paisa, "Lebanon aser Syria na nung nisungtem rongsenkettsütsüng tsütsü kanga timtemer aser nisungtem tenük nung tejashi reprangteter," ta ashi.

Egypt yimtiba, Cairo nung Baptist World Alliance lenirtemi Pope Tawadros II den senden mena Baptist-Coptic Orthodox dialogue atema jembiba den külemi Khrista baptia ministry inyakba aser tasü nungi shia aruba sülen küm 2,000 ajungbamong (2033) amongtsü jelia Khristantem longjema alitsü atema jembi.

Egypt nung BWA lenirtemi Egypt Minister of Religious Endowments, Dr. Osama Al-Azhari-a ajuru aser iba mapang nungji BWA aser Ministry of Islamic Waqf na tsüngda tezüngzüktep ka agitsü aliba indang jembi.

2033 küm alima tesem balala nungi Arogo lenirtem Jerusalem nung adenshia Yisu Khrista shia aruba sülen küm 2,000 ajungbamong amongtsü. Iba sentong nungji Yisu Khristai tenem nung sayutsüngiba lenirtemi azüngtsü aser ibaji Arogotem telongjem kuli ka asütsü.

BWA-i semdangba mapang Evangelical Church in Egypt Tir, Pastor André

Zaki-i ketdangsüa item sentong ajakji agi. Lebanon nung BWA lenirtemi linük Tir Joseph Aoun ajuru. Parnok rongnung Lebanese Baptist Assembly Tir Costa aser Evangelical Community in Syria & Lebanon tongti, Rev. Joseph Kassab nata liasü.

Baptist World Alliance nungi lenirtemi parnoki alima tesem balala nung mission mapa inyakba aser Arab region nung inyakba mapatem metetdaksü.

Parnokisa Baptist Arogotemi aser rejutemi shisaliok, health aser lokti tenzüka mapa balala inyakba metetdaksü.

Baptist World Alliance lenirtemisa Lebanon Tir Joseph Aoun den senden amendang Middle East nung BWA-i mapa balala inyakba aser Arogotemi temeim aser yimjung ajungkettsüba metetdaksü.

Jordan semdangba mapang BWA-i iba linük nung Arogotem, schools, health centers aser humanitarian programs ajanga nüburttem tenzüka metetdaksü.

BWA lenirtemisa yimjung aser amalitep atema yimsü temeden agütsütsü nüngdaker aser nüburttem ajak züngoktsü nüngdaker, ta ashi.

Syria semdangba dak sendakba nung Baptist World Alliance Ambassador, Nabih Abbasi-i, "Onok aika asoshi tatalokbatemji sayatenya liasü, kechiyong tejenba inyakyim ajak tasen küma melenogo, aser ibaji jangratemsüka lir," ta ashi.

Abbasi-isa, "Onok agizükertemi Damascus yimti tejenba sema anir senzü. Onok dang Umayyad Mosque sayu aser puti otsü lemsatapa liasü," ta metetdaksü.

Baptist World Alliance General Secretary Elijah M. Brown-i, "Baptist World Alliance-i Egypt, Lebanon, Syria aser Jordan semdangtetba atema ni pelar, kechiyong onoki Baptist aser evangelical Arogotem, tanela

tsütsü lenirtem aser sorkar lenirtem ajurua parnok ajungmesoogo," ta metetdaksü.

Paisa, "Senden ajak nungji onoki yimjung ajungkettsütsü aser nisung ajak asoshi yimsü temeden wazüka ayutsü atema lemsatapa den külemi Yisu Khrista baptiba, tenzüka wadang inyakba, asüba aser shia aruba sülen küm 2,000 ajungbamong atema renemshitsü ajungshiogo," ta metetdaksü.

ANOGO ABEN TSÜNGREM DEN

Tenük meremba mi

Tenük merem tzü jagi ajak tenük mesepdaksür. Shirnoki iba tzü ajemer parnok tebilemba tajung ajak iba yagi raksatsür.

Ibai tekülakokdaksüba tasütsü tajemtsü mozü lir.

Tenük tapok dang nungi tenük meremji lendong tuluba lir. Pai tiyazü nung rangloker aser aji ochi ta bilemer. Pai tebenja dak rangloker aser aji tim nung dang lir ta bilemer. Tenük meremi sentsü mebendangtetter. Ibai azü tesendaktep nung aketba ka lir. Iba yagi kodanga yimya shidakbaji majitetter. Ochiba ajak taileni meyipsatsür.

Shingai tenük merem mi mesepdaksütet, saka Tsüngremi dang aji inyaktsü akok. Ibai kodang jangrutetdaksüdir aseni remseptsü mekoki jangrua aor. Saka Tsüngrem tatasabaji tesashi mi dang nungi temokongba lir. Shir mulungjang nung iba mi Tsüngremi remsepdaksür parnok takum nung temelenshi adoker. Pai teraksaji yanglushitsü aser tenük meremji tajung bilemba den melenteptsür. Taku (bitter) tzütuji tanang tzü kümdaksür. Tebenjaji pai sumetemdaksür, auyiji pai tepur junga yanglur, aser tejen tsükchir tejak nung aseni tembar jakden tener angutsü.

Khristantemi Mozambique nung putir ka atema temeden akhanger



Bishop Osório Citora Afonso (tiyong) den Seminary Christ the King nung azüngertem tangokba noksa nung angur.

June 17, 2026: Africa tesem ajaklen Khristan lenirtemi Mozambique nung putir ka kasetba ya yimjung, meimchir akhümket aser yimsü temeden anema inyakba lir, ta shia iba tatalokba ya jungjunga bushisüngdangtsüla, ta takhangba agütsü.

June 06, 2026 nü Quelimane yimti nung Diocese of Quelimane nung Bishop Osório Citora Afonso par kidang lia nisung kari pa kasetba liasü.

Tang tashi nungbo aibelenertemji mejangja mesüra kechi nükjidong nung putir kasetar mejangja, ta Aid to Christians in Need (ACN)-i metetdaksü.

Symposium of Episcopal Conferences of Africa & Madagascar (SECAM)-i Mozambique ketdangsertem dang aibelenertemji tangsa aputsüla, ta takhangba agütsü.

SECAM-i sangdong ka ajanga, "Iba ya Tsüngremer nüburttem atema sannüker ka anema inyakba lir. Iba ya

Khrista osangtajung proker ka taküm akhümket anema inyakba dang masü saka yimjung aser yimsü temeden anema inyakba lir," ta metetdaksü.

"Onoki iba tatalokba ya sashia aitsür. Yimsü balala mesüra denomination balala nungi lenir shinga anema meinyaktsüla," ta sangdong nung shia lir.

"Yimsü lenirtemi yimjung aser tai toktep atema inyakba den külemi shisaliok aser telongjem ajungkettsütsü atema inyaker. Temeim mapa inyakertem aser lokti tenzüka mapa inyakertem kümzüka ayutsüla," ta parnoki metetdaksü.

"Yimsü temeden wazüka ayutsüla aser pei yimsü kecha tarendak makai benshitsü atema temeden agütsütsüla. Yimsü temeden ya democratic aser yimjung aliba lokti ka atema tongshi lir," ta SECAM-i metetdaksü.

"Sorkari tangsa iba tatalokba ya teladak süa

b u s h i s ü n g d a n g t s ü l a . Mozambique nung nüburttem, Catholic Arogo aser alima nung Khristantemi iba tatalokba dak sendakba osang tejangja ochi metetner," ta parnoki metetdaksü.

Arrshi küm 54, Bishop Afonso ya Mozambique nung dang masü saka International jenjang nunga Arogoi metetba lenir ka liasü.

Mozambique National Criminal Investigation Service-i ashiba agi, June 6 anepdang mejangjaba nisungtemji atsü alemdanger aiba sülen tamasa CCTV camera raksatsü, iba sülen kima putir dak teku nung injang khalokja liasü.

Bishop Afonso ya tamalen Vatican Dicastery for Evangelisation nunga inyakogo aser 2023 küm pa Archdiocese of Maputo nung auxiliary bishop shima liasü.

Taküm küm tetenzüklen ang pa Archdiocese of Beira nung Apostolic Administrator shima liasü.

AO OSHI ANGAZÜKDAK:

TANÜ ANGAZÜKTSÜBA OJANG



Yimren

(n) yimer temoatsü (blessing for entire village)

* Yimren alidang yimtak nungi lanur tajung adoker.

Yimrong

(n) yim külemdak, mangko metadak (Worship place for community, a place where human skulls were kept during head hunting time)

*Nokinketerem dang yimrongi atur.

OLONG PAITEP # 7538

1					2				3
							4		
5		6			7				
8									9
							10		
			11		12				
		13							
14					15				
			16						

TIPIEN

- 1. O jembitsü tashi - 8
- 5. Süngjang tapu ka - 5
- 7. Tekanük nung enokba - 5
- 8. Teka amtep - 5
- 12. Tzüc asendak - 5
- 14. Tsüngpang tema aliba - 5
- 15. Ken atenba yimya - 5
- 16. Asangur - 8

LANGTSÜNGLEN

- 1. Tepok telung nung shilem ka - 7
- 2. Tamajung aküm - 5
- 3. Chi den külemi achiba - 3
- 4. Meimchir alimai aruba - 3
- 6. Laishiba nung ayong ka - 4
- 9. Tarutsü nükla - 7
- 10. Tamendakdak/Nükjidong - 4
- 11. Tenük-telen mejungi aküm - 5
- 13. Terok nungi adokba - 3
- 14. Meimchir telemsa - 3

OLONG PAITEP # 7537 TELANGZÜBA

TIPIEN :

- 1. Taa, 3. Teküm, 6. Aibelen, 7. Aut,
- 9. Ajizük, 10. Ojala, 11. Semer,
- 13. Sen, 15. Kiochtsü, 17. Itsük,
- 18 . Kar.

LANGTSÜNGLEN :

- 1. Tai, 2. Asensor, 3. Tanü, 4. Kua,
- 5. Mitsüchtsü, 6. Azübenshi, 8. Lah,
- 9. Jangkok, 12. Akok, 14. Nashi,
- 16. Sür.

NAI-A YA METETTER



United Kingdom nung science-led charity Zoological Society of London (ZSL) ajanga otsü tasen ka yangluogo.

ZSL indang zoo ana- London Zoo aser Whipsnade Zoo nung shiruru meimer, kibongtem aser nisung 14,024 ajanga shilem agia "Most contributions to a painting by numbers (multiple venues)" alima otsü tasen yangluteta liasü.

Tripura sobaliba kongki Sarinda nem GI Tag agütsür

Agartala, June 17, 2026

(Agencies): Tripura nung traditional Sarinda nem Geographical Indication (GI) status agütsüogo. Iba kongki ya tribal music nung kanga amshir.

"GI tag anguba ajanga Tripura nung sobaliba khenyongi balaka aliba sayur aser indigenous artistic traditions wazüka ayuba nung tongtipang alizüing ka atonger" ta Chief Minister Manik Saha-i ashi.

"Tripura Sarinda" indang GI registration anguba ya state atema takok tulu ka lir. Iba



Sarinda

ajanga musical heritage ajungkettsü aser kümzüka ayutsü" ta pai ashi.

Iba jenjang anguba ya local artisans aser folk musicians-i bendanga agüja iba kongki amshiba ajanga lir. Iba kongki amshir ajak nem tenüingsang

agütsür ta CM Saha-isa ashi.

Sarinda züingsema Tripura nung GI-certified products ajak agi pezü kümogo. Tesüiba nung

Tripura Queen Pineapple, traditional handwoven attire Risha/Pachra (Rignai) aser Matabari Pera sweet atema GI status nguteta lir.

'Sarida'ya string instrument ka lir aser ola taneptem adoker. Iba tereprangtsübo classical 'Sarengi' mesüker saka yangluba aser ola khenyongi balaka lir aser Tripura nung indigenous musical artists ajanga amshir.

Jorhat police-i hotel ka nungi teküp ayokertem apu



bushisüingdang asüba sülen ang tejangja metettsü" ta Additional Superintendent of Police (Crime Branch) Abhishek Kumar Yadav-i ashi.

"Onoki osang tejangja angazükba nung ajemdaker operation inyak. Iba tesem nung tetsür tenet liasü aser bushisüingdang metembang tashi aser parnok anema kuli mangu tashi victims ama züingshitsu" ta pai ashi.

Iba hotel nungi prostitution network ajanga upper Assam aser anameta district temi tetsürtem yok asütsü akok ta bilema onoki kulitem bushitepdar.

Iba hotel nungi apuba tebur 8 dang asüingdangya südar aser parnok ya 'persons of interest' ama züingshir ta Yadav-isa metetdaksü.

Guwahati, June 17, 2026

(Agencies): Jorhat Police-i Hombar aonung National Highway 37 anasa luxury hotel ka mita aodang nisung 15 puogo.

Police-i prostitution network ka lir ama temulung melemi bilema bushisüingdanga aodang

tetsür 7 aser tebur 8 apu.

Orchid Hotel nung teküp ayokba maparen inyaker ta osang tejangja ka angazükba sülen police-i mita ao.

"Iba operation nung apuba tetsürtem ya potential victims ama züingshir aser

**GOVERNMENT OF NAGALAND
DIRECTORATE OF TECHNICAL EDUCATION
NAGALAND, KOHIMA
NOTIFICATION**

NO. DTE/ ESTT-2/02/2021-22/: This is for information of all eligible candidates that applications are invited for admission against Government/Private State Reserved Seats in Under-Graduate Degree Courses in the Colleges/Universities indicated below for the Academic Session 2026-2027. The prescribed application forms may be obtained from the Office of the Directorate of Technical Education, Nagaland, Kohima, during office hours on payment of Rs. 300/- (Rupees Three Hundred) only.

The application form may also be downloaded from the Department's website, www.dtenagaland.org.in. However, candidates downloading the application form from the website shall be required to pay the prescribed fee at the time of submission of the completed application form.

Sl. No.	Branch	No. of seats	Eligibility	College/ Institute
1	B. Tech. (Food Technology)	04	Passed 10+2 with PCM/PCMB 40% marks for SC/ST/PC candidates	(i) College of Agri. Engg. & Post Harvest Tech. Gangtok, Sikkim. (ii) College of Food Tech., Imphal, Manipur
2	B. Tech. (Agricultural Engg.)	11	Passed 10+2 with PCM/PCMB 40% & 45% marks for SC/ST/PC candidates	(i) College of Agri. Engg. & Post Harvest Tech. Gangtok, Sikkim. (ii) School of Engineering & Technology, Kma
3	Computer Science & Engineering	7	-do-	(i) Tripura Institute of Technology, Narsingarh, West Tripura (ii) School of Engineering & Technology, Kma (iii) ICFAI, Tripura (iv) St. Joseph University, Chumoukedima
4	Electronics & Comm. Engineering	07	-do-	-do-
5	Information Technology	06	Passed 10+2 with PCM/PCMB 45% marks for SC/ST candidates	School of Engineering & Technology, Kma
6	Biotechnology	06	Passed 10+2 with PCMB/45% marks for SC/ST candidates	-do-
7	Civil Engineering	21	Passed 10+2 with PCMB/40% marks for SC/ST candidates	(i) Tripura Institute of Technology, Narsingarh, West Tripura (ii) ICFAI, Tripura (iii) St. Joseph University, Chumoukedima
8	Mechanical Engineering	21	-do-	-do-
9	Computer Science & Engineering (Artificial Intelligence & Machine Learning)	10	-do-	ICFAI, Tripura
10	Electrical Engineering	10	-do-	-do-

Important Dates

* Commencement of issue of application forms: 16th June, 2026

* Last date for issue and submission of completed application forms: 10th July, 2026

(Er. VipulhouLhoungu)
Director.

Nagaland Institute of Medical Sciences and Research Kohima: Nagaland

ADVERTISTMENT No. 1 /2026 No.NIMSR-6/31/HR/Advt/2024/ 106Dated Kohima 15th June 2026

Applications are invited from eligible candidates for the following posts to be filled up under Nagaland Institute of Medical Sciences and Research (NIMSR) Kohima on regular basis.

Sl No	Name of the Post	No. of Vacancies	Reservation for backward Tribe
1	Psychiatric Social Worker	1	
2	Medical Social Worker	2	
3	Health Educator	2	
4	Laboratory Technician	3	1(one) post for Sangtam
5	Laboratory Attendant	4	1(one) post for BT Konyak
6	Plumber	1	
7	Driver (Gr-II)	4	1(one) post for BT Zeliang

- The details information (Qualification, Experience, Pay Scale, Application Form) etc. shall be available on the website <https://nimsr.nagaland.gov.in>
- Online application form available in website, should be downloaded, filled and submitted via email-nimsrhrsec@gmail.com or before **14th July 2026 by 2:00 PM.**

Sd/-

ANOOP KHINCHI, IAS

Commissioner & Secretary Health & Family
Welfare Department and Chairman, EC, NIMSR, Kohima

GOVERNMENT OF NAGALAND

OFFICE OF THE ENGINEER-IN-CHIEF, NPWD

NAGALAND: KOHIMA.

No.NPWD/E-IN-C/DRB/90/2019

Dated Kohima, the June 2026

In pursuance of the Government letter No.WH/EST/GEN/24/356 dated 22.04.2026 and WP (C) No.95/2023, with the approval of the P&AR and finance concurrence vide P.C No. 97 dated 22.04.2026 and vide No. RFC/ESTT.No.26/112 dated 21.04.2026, with this office Advertisement No.NPWD/E-IN-C/DRB/90/2019 Dated 10.03.2026, the name of the candidate selected for appointment for filling up 1 (one) post of MTS under the establishment of the Executive Engineer PWD (Housing) DUDA Kohima.

Name of the recommended candidates

Sl.No	Name	Roll No.
1	Shri. Khampon Konyak	51

Name of the Waiting list candidates

Sl.No	Name	Roll No.
1	Shri. N. Teihwang	26

Waiting list is valid for a period of 6 (Six) months only.

Er. K. IMNAJUNGBA JAMIR)
Engineer-In-Chief, NPWD
Nagaland : Kohima.

Trump-i aijaka Israel-i ano Lebanon amak

Beirut, Aami/June 17 (Agencies): Israel sepaitemi southern Lebanon nung ano amaker, ta state media ajanga ashir, aser külen US Tir Donald Trump-i Israel inyaksangshi aitsür.

Bodhbarnü Israel nunger jets temi Nabatieh al-Fawqa tesem aser anasa Kfar Tebnit tezülen amak, ta Lebanon indang National News Agency (NNA) ajanga ashir. Israel mitkar temi tang tashi sangdong agüja mali, saka taoba mapang parnoki Iran-i yariba Hezbollah telok dak tenük yoker ta shia liasü.

US aser Iran tsüngta rara tembangtsü asoshi tezüngzüktep ka yanglua aliba indang ojang ano mesangdong, saka yangji Lebanon dena lir ta Pakistan-i ashir.

Lebanon dak sendakba nung Israel Ato Kilonser Benjamin Netanyahu-i khuret angatettsüla, ta Trump-i Mongulbarnü ashir.

France nung G7 senden nung jembidang, Israel-i Hezbollah den tali talangka rara arur aser nisung aika tepsetogo, ta pai ashir.

Deobar aonung US-Iran tezüngzüktep sangdongba sülen Israel aser Hezbollah kati ka

dak maktepa arur.

Deobarnep Hezbollah-i arütsü alema rocket khaloktsüba langzüa Israel-i tayimtsü amshia Beirut nung amak, anungji tezüngzüktep yanglutsü asoshi tebilemtsü tali kadaktsü.

Trump-i G7 senden nung, pa Netanyahu den tesendaktep tajung lir saka "pai amakba maginer...koba kanga tali lir," ta shia liasü.

"United States medeni Israel malitsü. Ni melira Israel malitsü, kechiaser tir shingai ni inyakba ama inyaktsü mulunga meliasü," ta pai ashir.

Hombarnü Netanyahu-i par linük indang sepaitem Lebanon nung nungdakba mapang tashi alitsü ta shia liasü.

Kasa mapang Israel-i Lebanon nung amakba aser Lebanese territory nung Israel mitkartem aliba ya US den khen atema tezüngzüktep yanglua aliba nung aibelenba ama züngshitsü, ta Iran indang Foreign Minister Abbas Araghchi-i tekum dangtsü shia lir.

Memorandum of understanding ta jembiba agreement nung aliba ya tang tashi sangdonga mali.

Linük anaprongi tezüngzüktep nungya

Hokulbarnü Swiss resort Bürgenstock nung meyonngem agütsütsü imlar, ta Switzerland indang Foreign Minister-i Schweiz Heute osangkaket dang ashir.

Trump-i nüburtem dang US aser Iran tsüngta tezüngzüktep agiba ojang ajunga zünga ashitsü asoshi osangbener senden ka amentsü akok ta ashir.

Iba tezüngzüktep nungya Iran kodanga nuclear nok-nü malitsü aser Gulf nung tongtipang Strait of Hormuz tzü lenmang ya tanaben lapoktsü aser "toll-free" alitsü shia lir, ta pai ashir.

Trump-i iba tezüngzüktep ya Barack Obama tir inyak dang jembiba dang nungi tajungba alitsü ta ashir.

"Obama-i ama asenoki iba atema sen magütsü. Pai sen dollars billion aika agütsü," ta Trump-i Mongulbarnü ashir.

US aser alima nung tashi tulu linük pongu den 2015 Joint Comprehensive Plan of Action (JCPOA) züngzüktepba kübok Iran-i nuclear inyaksangshi ajemtsü aser international inspection melatsü aser iba melen sanctions agiena soita aliba senotsü chiochtsü mulungtepa liasü.

US-i mokdanga aliba tesem ajanga Iranian tankers tem ao

Dubai, Aami/June 17

(Agencies): United States-i Strait of Hormuz nung mokdanga aliba tesem ajanga Iran nunger totzü bena aliba rong kar süyio, ta tracking website ka ajanga ashir, koba linük ana raraba tembangtsü asoshi framework agreement ka renemer ano jembishinü tali tenzüksü anogo ana lia ataloker.

TankerTrackers website yagi totzü abenba rong senzüba aser totzü rizünga ayuba reprangshimer, aser parnoki Bodhbarnü ita ana nung Iran indang totzü tazü tangaleni yokba mezüngbuba jangjatet, koba digital tracking data aser satellite imagery medemdangba nungi jangjatetba lir ta ashir.

US-Israel nati February 28 nü Iran amakba ajanga tenzükbä rara tembangtsü asoshi Hokulbarnü Switzerland nung jembishinü tenzüksü lir aser Strait of Hormuz tanaben lapoktsüba osang ajanga alima nung totzü jenjang ajemdaktsü.

TankerTrackers ajanga ashiba agi, National Iranian Tanker Company (NITC) tankers ana - Diona aser Hero 2 - nung Iran nunger totzü barrels 3.8 million bener Mongulbarnü blockade line alema adok aser ao Stream ta sür tanker ka Bodhbarnü Iran nunger rongnendak tesem leni arua liasü.

Tanker tasembuba, NITC

ajanga amshiba nung Iran nunger totzü tazü barrels 1 million bener Bodhbarnü Gulf of Oman nung US Navy indang blockade line alema ao, ta TankerTrackers ajanga ashir.

Sonia I ya 01:11 GMT ako nung blockade line alema adok, ta parnki X nung ashir.

US aser Iran tsüngta jembishinü ya parnoki memorandum of understanding nung meyonngem agütsüli tenzüksü. Parnok ya anogo 60 jembishinütsü lir aser ibai Iran indang nuclear programme nung tezüngzüktep ka yanglutsü aser Iran nem international sanctions agüja aliba agentsü nükjindong nung lir ta ketdangsur temi ashir.

MoU zülutepba sülen US-i Iran dang totzü ayok tenzükdaktsütsü, ta The Wall Street Journal ajanga Mongulbarnü ashir.

Totzü ayokba nung tenokdangba agüja aliba tekeraba nung agentsü aser banking, transportation aser insurance amala services tem ayimjemsü, ta Journal nung ashir.

Iba framework agreement nungya US President Donald Trump, Vice President JD Vance, Iranian Deputy Foreign Minister Majid Takht-Ravanchi aser Tehran odongtar Mohammad Bagher Ghalibaf nungeri electronic nungbo meyonngem agütsüogo, ta US ketdangsur kati ashir.

G7 lenirtemi Ukraine maneni nongita yaritsü bangjem

Paris, Aami/June 17

(Agencies): France nung senden amenba mapang G7 lenirtemi Ukraine indang air defence tashi itshidaktsütsü aser Russia indang totzü aser gas sector tem atema tenokdangba agütsür aliba akangshia Moscow maneni nongshitsü bangjemogo.

"Ukraine nüjiso, sovereignty aser litsü kümzüka yudaktsütsü atema onok G7 lenirtem masetshi-i longjemer nokdaka lir," ta Bodhbarnü senden tembangba sülen lenirtemi sangdong ka ajanga metetdaktsü.

"Onoki air defence, system talila aser interceptors aser long-range capabilities tem tali agütsütsü asoshi mulungtepogo," ta kasa sangdong ajanga metetdaktsü.

Lokti tentet kong Canada, France, Germany, Italy, Japan, United Kingdom, United States aser European Union densema lir, parnoki ashiba agi, "Ukraine indang military production taliba kümdaktsütsü asoshi licenses agütsütsü asoshi asadangtsü parnok renema lir."

Tir Volodymyr Zelenskyy, shiba Mongulbarnü summit nung dena liasü aser US tir

Donald Trump aser Secretary of State Marco Rubio na dena ajurutepogo, pai küm ka dak tema parnok nem teyari agütsürtem dang US anti-ballistic systems aser interceptors tem agi anüngba ajanga parnok indang interceptor tem yanglutsü atema temelaba agütsütsü asoshi mepeshia arudar.

G7-i ashiba agi, Strait of Hormuz lapoktsü atema United States aser Iran na tenangzüktepba ka yangluba sülen Russia indang totzü aser gas dak sendakba nung tenokdangba akangshitsü akok.

"Russia indang rara dang amshiba rongsenketzüng tashi meiti kümdaktsütsü atema nongshitsü onok bendanga agütsür lir," ta lenirtem yagi ashir.

"Iba dak sendakba nung onoki tenokdangba agütsür alibatem akangshitsü, kong totzü aser gas sector densema lir. Strait of Hormuz lapoktsü atema tir Trump-i tenangzüktepba ka yanglur asünung jenjang talila agütsü atema tang ya mapa tetemsü ta bilemer," ta lenirtem yagisa shisem.

(Maneni tapak 8 nung...)

FIFA WC: Norway aser Argentina nati pei tata asaya kokogo



Aami/June 17, 2026 (Agencies): Mongolbarnü FIFA World Cup nung Norway aser Iraq na asaya nung Erling Haaland-i pa asoshi World Cup nung mezüngbuba goal idaktsüogo. Iba asaya ya Norway-i goal 4-1 agi koka liasü.

Boston nung iba asaya tenzüker minute 29buba nung Haaland-i par team atema mezüngbuba goal idaktsü, saka Aymen Hussein-ia Iraq atema goal ka idaktsüba sülen goal kasasa aküm.

Iba sülen Iraq defence-i aibelen menaba maongka agia Haaland-i tanabuba goal idakja parnok tejakdang ser asaya mezüngbuba shilem tembang. Haaland-i tang tashi nung international asaya 51 nung goal 57 idaktsür lir.

Asaya tanabuba shilem nung Leo Ostigard-i Norway atema tasembuba goal idaktsü aser iba sülen mapang apuloktsür asayaba mapang Hussein-i own goal ka idakja Norway-i iba asaya ayong ayonga kokogo.

Asaya akokba sülen Group I nung Norway aser France

napronglai point asemsem nguogo, saka goal difference agi Norway temaba jenjang nung lir. Norway pur taruba asaya June 22 nü New Jersey nung Senegal den asayatsü.

Tanga asaya ka nung France-ia goal 3-1 agi Senegal kokogo. Asaya nung France captain Kylian Mbappé-i par team atema goal ana idakja pa ya World Cup nung France nung asayartem rongnung goal timtiba idaktsüba aser national team nungi goal timtiba idaktsüba asayar kümogo.

Asaya nung France atema Bradley Barcola-ia goal ka idaktsü aser Senegal atema goal ka ya arishi küm 18 tain Ibrahim Mbaye-i idakja liasü.

Maneni San Francisco nung Austria aser Jordan na asaya Austria-i goal 3-1 agi kokogo.

Asaya nung Austria atema Romano Schmid-i minute 21buba nung mezüngbuba goal idaktsü, saka asaya tanabuba shilem tenzüker minute pongu tsüingda Jordan atema Ali Olwan-ia goal ka idaktsü.

Iba sülen minute 76buba nung Yazan Al Arab-i par goal

nung ball ka metsüoktsüba sülen Austria maneni tejakdang aküm. Asaya nung mapang apuloktsür asayadang Arnautovic-i penalty ka ajanga Austria atema goal tasembuba idakja parnoki asaya akok.

Kasa asayamung tanga asaya ka nung Argentina atema Messi-i hat-trick ka idakja parnoki Algeria goal 3-0 agi kokogo.

Arishi küm 38 tain Messi shiba taküm agi World Cup trokbuba nung asayadar, pa linük tenüng nungi 200 benbuba asayaba mapang alizüng tasen ka tongteta pa Argentina nung asayartem rongnung World Cup nung goal idaktsüba asayar tambusang kümogo. Pai Argentina nung rongnung World Cup nung goal idaktsüba asayar tanobusang record dena bener lir.

Asaya nung goal asem idaktsüba sülen Miroslav Klose-i World Cup nung goal 16 idakja otsü tasen yanglur aliba Messi-i menepogo aser asayamung nung ano asaya aika asayatsü anunga lir asünung pai iba record ya ajatetsü imlar.

BENDANGLI OSANG :

Tapak 7 nungi...

G7 lenirtemi Ukraine maneni nongita...

Russia aser Ukraine na tsüingda yimjung atema tenangzüktepba ka yanglutsü atema Trump-i kangabo tamang makaba ama reprangtetogo, saka Mongolbarnü pai osangbenertem dang parnoki yaritsü merangtsü ta shiogo.

"Russia-i tenangzüktepba ka yanglutsü. Ni rara ti tashi bentettsüogo. Iba rara ya bentettsü asoshi ajak dang temelaba asütsü ta ni bilem," ta Trump-i ashi.

Kasa mapang nung Zelenskyy-i ashiba agi, G7-i pa nem tongtibang tenangzükba kar agütsüogo. "Air defence missiles talila den item missile tem yanglutsü atema licenses, winter support package aser Russia maneni nongshitsü tenangzükba agütsüogo. Tongtibangsa US-ia item asoshi teyari agütsütsü renema lir," ta pai X nung zülutsü.

"Sensaksema ajakji mapa kuma inyaksü ajak dang tongtibangtiba lir. Russia nem rara ya tim masü ta

angattetdakttsüla. Onok nem teyari agütsür ajak dang kanga pelaba lemsateper," ta paisa shisem.

Kasa mapang nung G7-isa, US aser Iran na tsüingda tenangzüktepba yangluba pelashishia agizükogo aser tzüyim nung rong s e n z ü s e n p o n g tenzükshidakttsü atema teyari agütsütsü mulunga aliba Britain aser France natia lemsatepogo.

"Tenokdangba mesüra tolls kecha makai senzusenpongtsüji international trade atema tamendakdak tongtibangtiba lir ta onoki nenshir. France aser UK nati anir multinational, independent, aser defensive inyakyim ajanga Strait of Hormuz nung shishilembartem indang rong kümzüka, shishilemba dang amshiba rong kiburtem nem tenangzükba agütsütsü aser mine ajak agindakttsü asoshi jenjang agiba nongita iba Strait nung rongtem tanaben

senzusenpongakttsü asoshi tongtibang shilem ka agitetsü ta amanger," ta sangdong ajangasa metetdakttsü.

Lenirtem yagisa, Lebanon nung tangsa tang ceasefire ka benoktsü atema ayongzükogo, ajita asünungdang Lebanon nung lenirtemi Hezbollah pur azüoktettsü aser Lebanon litsü aser sovereignty kümzüka yutettsü, ta ashi.

Bodhbarnü lenirtemi maneni critical minerals aser alima nung rongsenketzüng liromedema maliba indang sensak asemtsü imlar.

France-i critical minerals dak sendakba nung parnoki benokba onük ka mulunga agizükdakttsü asoshi parnok partner tem nongshidar, iba ajanga anüolen aliba linüktem China dak tali memetaloktsü atema teyari agütsütsü asoshi jenjang agitsüba aser investor tem countermeasures aser dumping nungi kümzüka toktsütettsü, ta diplomat tem yagi ashi.

India A-i run 101 agi Afghanistan A koka final-i iogo

Aami/June 17, 2026 (Agencies): Bodhbarnü Dambulla nung Tri-Nation A Series nung India A-i run 101 agi Afghanistan A koka final-i iogo.

Asaya nung India nung asayartemi lenla ajak nung kanga junga asayaogo aser parnok rongnung Priyansh Arya, Tilak Varma aser Kumar Kushagra nungeri half-century kaka yanglu aser Nishant Sindhu-i wicket pezü agia liasü. Over 50 nung asayar 9 out ser run 310 yangluba sülen India team-i over 36.5 nung Afghanistan A nem run 218 dang yangludakttsür asaya ajak out sütsü. India team June 21 nü Dambulla nung Lanka A mesüra Afghanistan A den final asayatsü.

Mezüng batting amenba sülen India A-i kanga junga asaya tenzük aser opener Priyansh Arya aser Vaibhav Sooryavanshi nati ball 48 nung run 75 yanglua liasü.

Sooryavanshi asaya tenzüklü out asütsü liasü saka third umpire-i pa out sütsüba catch ya magi kümdakttsüba sülen pai ball 28 nung run 38 yanglu, ajisiüka Faridoon Dawoodzai-i pa out sütsü.

Iba sülen Arya-i ball 42 nung run 58 yanglu. Pai four teku aser six ka züka liasü.

India nung asayartem rongnung ano Ruturaj Gaikwad-i run 30 yangluba sülen India A captain Tilak Varma aser wicketkeeper-batter Kumar Kushagra nati asaya aziüoka tena senteper

run 104 yanglua liasü. Varma-i ball 75 nung run 59 yanglu aser Kushagra-ia ball 67 nung run 58 yanglua team nem teyari agütsü.

Tena prongla out süatokba sülen Vipraj Nigam-i ball 20 nung run 30 yanglu aser Nishant Sindhu-ia out mesüi run 21 yanglua liasü.

Afghanistan A atema Faridoon Dawoodzai, Abdullah Ahmadzai aser Farmanullah Safi nungeri wicket anana agia liasü.

Run 320 arishiba mapang Afghanistan A nungi asayartemi run telongjunga meyangluteti mapashia out süa liasü.

Yash Thakur-i tanabuba innings tenzüker mapa tatsüka tsüingda Hassan Eisakhil out sütsü aser Kamboj-i ball aonba mapang Sooryavanshi-i ball kanga junga ajebzüka Khalid Taniwal out sütsü.

Captain Imran Mir-i run 32 yanglua team jenjang yanglushitsü merang saka pa-a Nishant Sindhu-i out sütsü.

Afghanistan A asoshi Faisal Shinozada aser Bahir Shah nati dang takok tashi meranga asayadangogo. Tena senteper run 87 yanglua liasü.

Bahir-i ball 52 nung run 57 yanglu aser Faisal-ia run 46 yanglua liasü.

Anukul Roy-i Faisal aser Vipraj Nigam-i Bahir out sütsüba sülen asaya melenshia liasü. Tena out sütsüba sülen lower order tem kanga kara out süatok aser parnoki run 218 dang yangluteta asaya makok.

Real Madrid-i transfer taah magütsüi Silva anisemogo

Aami/June 17, 2026 (Agencies): Midfielder Bernardo Silva-i Real Madrid den küm ana atema tenangzüktepba yangluogo aser pa manager Jose Mourinho den longjemtsü.

Arishi küm 31 tain Silva-i taoba season tembangba sülen Manchester City toktsüogo. Pa City nung küm teku tashi takok tulu ngua asayaogo.

City toktsüba sülen Silva ya Spain-i aotsü atema club balala den sendaktepa aruogo. Pa Barcelona aser Atletico Madrid napronglai alizüküna liasü.

Chelsea nungi defender Marc Cucurella pound million 52 agi alizükba sülen Silva ya Real puri tang transfer window nung anisemba asayar nung transfer ka ama iba club nung denogo.

Real puri taoba season takok marok ka danga mekoktei liasü.

Parnoki La Liga champions FC Barcelona point ti agi memenepi season tembang aser Champions League nunga quarter-finals nung tsüka liasü.

Silva tang Portugal team nungi World Cup asayadar, aser pai par linük asoshi iba asayamung nung tongtibang shilem agitsü imlar.

Kasa mapang nung Real puri Inter Milan defender Denzel Dumfries alizüktsü merangdar aser France defender Ibrahima Konate-a Liverpool toktsüba sülen Real nung adentsü renema lir.

Defender Antonio Rudiger-ia iba hopta Real den tenangzüktepba yanglushiogo, aser pa club nungi 2027 küm tashi asayatsü.

BILEMDANGANG

"Temulungtetba tulu aliba nisung ka sottsü tasak."